



Adroddiad y Cadeirydd 2014 – 2015  
Mr Denfer Morgan

Mae wedi bod yn flwyddyn lwyddiannus a phrysur iawn eleni eto yn yr ysgol. Ysgrifennwyd yr adroddiad yma ar ran y corff llywodraethol yn amlinellu digwyddiadau'r flwyddyn academaidd 2014-2015. Ni chynhaliwyd cyfarfod rhieni y llynedd ond gan nad oes yna gyfarfod wedi bod ers dwy flynedd bellach, penderfynwyd cynnal cyfarfod yn y flwyddyn academaidd nesaf ar y 4ydd o Dachwedd am 7yh 2015.

Aelodau Corff Llywodraethol 2014-2015 Members of the Governing Body

Cynrychiolwyr yr Awdurdod/ Authority Representative:

Cyng/Cllr.Mrs. Elizabeth Evans,

Mr. Adrian Crees,

*Mr. John Whiteley*

Rhieni Llywodraethwyr/ Parent Governors :

*Mr.Gareth Parry ( Is-Gadeirydd/ Vice-Chair)*

Mr.Tom G.Williams

Mrs Dawn Tarling

Mrs. Jo Williams

Llywodraethwyr Cyfetholedig / Co-opted Governors:

Cyng/Cllr.Meirion Jones

Mr. David Jones

Mr. Denfer Morgan (Cadeirydd/ Chairman)

Mrs. Susan Edwards

Athro/Athrawes Lywodraethwr/ Teacher Governor: Miss Mair Jones

Miss Mair Jones, Ysgol Gynradd Aberaeron, SA46 0BQ – 01545 570313

Llywodraethwr staff/ Staff Governor:

Miss C.Davies, Ysgol Gynradd Aberaeron, SA46 0BQ – 01545 570313

Sylwebydd / Observer :

Mrs Catrin Thomas, Ysgol Gynradd Aberaeron, SA46 0BQ – 01545 570313

Gwasanaeth Clercio y Corff Llywodraethu/ Clerking Service to the Governing Body

Pauline Lucas [Pauline.lucas@ceredigion.gov.uk](mailto:Pauline.lucas@ceredigion.gov.uk)

## Adroddiad Cyllid

<b>Financial Performance 2014/15 Cyflwyniad Ariannol 2014/15</b>			
<b>2281</b>	<b>£</b>	<b>£</b>	
<b>Employee Costs</b>			<b>Costau Gweithwyr</b>
Teacher Costs	398,398		Costau Athrawon
NNEB, Care Assistants	25,361		NNEB, Cynorthwywyr Gofal
Caretaking Costs	1,088		Costau Gofalwyr
Administrative Officers	10,068		Swyddogion Gweinyddol
Supply Teacher Costs	11,844		Costau Athrawon Llanw
Other Employee Costs	7,172		Costau Gweithwyr Eraill
<b>TOTAL EMPLOYEE COSTS</b>		453,931	<b>CYF. COSTAU GWEITHWYR</b>
<b>Premises Costs</b>			<b>Costau'r Adeilad</b>
Repair and Maintenance	3,561		Cynnal a Chadw
Grounds Maintenance	1,075		Cynnal a Chadw'r Tir
Energy Costs	12,756		Costau Ynni
Rents etc.	0		Rhent a.y.y.b.
General Rates	9,815		Trethi
Water Charges	3,305		Costau Dwr
Fixtures and Fittings	37		Nwyddau Gosod
Cleaning Supplies and Services	13,619		Nwyddau a Gwasanaethau Glanhau
Premises Insurances	0		Yswiriant yr Adeilad
<b>TOTAL PREMISES COSTS</b>		44,169	<b>CYF. COSTAU'R ADEILAD</b>
<b>Transport Costs</b>			<b>Costau Trafnidiaeth</b>
Direct Transport Costs	2,720		Costau Trafnidiaeth
Travelling Costs	200		Costau Teithio
Transport Insurances			Yswiriant Trafnidiaeth
<b>TOTAL TRANSPORT COSTS</b>		2,920	<b>CYF. COSTAU TRAFNIDIAETH</b>
<b>Supplies and Services</b>			
Capitation Related Expenditure	35,739		Gwariant - Lwfans Y Pen
Other Supplies and Services	27,602		Nwyddau a Gwasanaethau Eraill
Postages	45		Costau Postio
Telephone Costs	1,538		Teleffon
<b>TOTAL SUPPLIES AND SERVICES</b>		64,923	<b>CYF. NWYDDAU A GWASANAETH</b>
<b>GROSS EXPENDITURE</b>		<b>565,943</b>	<b>GWARIANT GROS</b>
<b>Less: INCOME</b>			<b>Wedi'i Leihau :INCWM</b>
General Income	-24,579		Incwm Cyffredinol
<b>TOTAL INCOME</b>		-24,579	<b>CYFANSWM YR INCWM</b>
<b>NET EXPENDITURE</b>		541,364	<b>GWARIANT NET</b>
<b>Funding Available</b>			<b>Arian sydd ar Gael</b>
Rev Formula Funding 14/15	545,791		Ariannu yn ol Fformwla Diw 14/15
Balance b/f 1 April 2014	29,064		Gweddill c/d 1 Ebrill 2014
		574,855	
<b>NET VARIANCE</b>		33,491	<b>AMRYWIANT NET</b>
<b>INTEREST</b>		0	<b>LLOG</b>
<b>TOTAL 14/15 SURPLUS</b>		33,491	<b>CYFANSWM ARIAN WRTH GEFN</b>

## Cysylltiadau Cymunedol

- Cafwyd taith gerdded yr Urdd o Lanerchaeron i'r Clwb Rygbi, gyda'r arian yn mynd tuag at weithgareddau'r Urdd yn y cylch.
- Cafwyd Bore Coffi Macmillan llwyddiannus iawn yn yr ysgol ddiwedd mis Medi a llwyddwyd i godi £720 i'r gronfa. Am y tro cyntaf cafwyd cystadleuaeth 'Coginio Cŵl' ar ffurf 'bakeoff' a chyrhaeddodd degau o gacennau creadigol a lliwgar. Enillwyd y gystadleuaeth gan Declan Squires ac mi werthwyd y cacennau am elw sylweddol. Diolch i bawb am eu cefnogaeth ac i drigolion y dre a wnaeth alw heibio.
- Plant mewn angen - Cafwyd cyfle i wisgo pyjamas a chyfrannu £168.00 tuag at yr elusen haeddiannol hwn.
- Ar gais Llysgenhadon yr Ysgol sef Cerys a Rhodri o flwyddyn 6, fe benderfynwyd cynnal bore coffi a gwahodd pawb i wisgo gwisg eu hunain i'r Ysgol ar ddydd Gwener, Mai 15fed. Llwyddwyd i godi y swm anhygoel o £722.71 mewn bore. Diolch i bawb a wnaeth gyfrannu trwy wisgo dillad eu hunain, dod a chacennau ac i'r rhieni a ddaeth i gael coffi a thê.
- Cafodd Cyfnod Allweddol 2 amser bendigedig gyda'r RNLI yn dysgu sut i ddod yn warchodydd bywyd ar y traeth. Cafodd pawb amser da iawn.
- Cynhaliwyd ein Cwrdd Diolchgarwch yng Nghapel Peniel, lle dathlwyd Diwrnod T.Llew Jones. Gwnaeth pob dosbarth gyflwyniad o farddoniaeth T.Llew a chyd ganwyd Cwm Alltcafan gan bawb. Daeth John Meirion Jones i annerch y plant a'r gynulleidfa gan adrodd hanesion difyr am bersonoliaeth a champau rhyfeddol T.Llew. Diolchwyd iddo gan Daniel Cemas. Gwnaed casgliad o £196 tuag at Ymchwil Cancer, Cangen Aberaeron. Diolch i swyddogion Capel Peniel am eu parodrwydd i ni gynnal gwasanaeth yn y capel
- Diolch i Michael a Dawn Tarling, a PC. Sharon Thomas am ymweld â'r ysgol i gynnal sesiynau beicio, yn cynnwys diogelwch gyda disgyblion Bl. 3 a 4 fel rhan o'i is-thema ar feicio.
- Daeth P.C. Jackie a P.C. Alun i roi cyflwyniad i bawb ar fod yn ffrindiau da ac i edrych ar ôl ein gilydd. Roedd e'n gyfle da i rannu syniadau a chytuno ar bwysigrwydd edrych ar ôl ein gilydd.
- Croesawyd Richard Thomas a Dafydd o Cadwch Gymru'n Daclus i wneud gweithgareddau amgylcheddol ar y traeth gyda blynyddoedd 3 a 4. Fel rhan o'r ymweliad aethpwyd ati i lanhau'r traeth a darganfod pob math o bethau rhyfedd. Diolch i Pob a Dafydd am fore diddorol.
- Cafodd disgyblion y dosbarth Meithrin a Derbyn gyfle i gymryd rhan mewn 'Beicio Noddedig' o gwmpas trac a oedd wedi ei gynllunio ganddynt ar iard yr Ysgol. Diolch i bawb am eu cefnogaeth. Roedd hi mor braf i weld teulu a ffrindiau yn ymuno yn yr hwyl. Aeth yr arian a gasglwyd tuag at brynu dillad bob tywydd i'r ddau ddosbarth.
- Mae'r Cyngor Ysgol wedi bod mor llwyddiannus yn trefnu bod pob unigolyn yn creu Cardiau Nadolig i'w gwerthu. Mae'r gwerthiant wedi bod yn anhygoel. Diolch i Miss Janet a Gwasg Aeron am eu cydweithrediad ac i'r Harbwrfeistr a Phwyllgor Nadolig Cymunedol Aberaeron am adael i ni gael stondin yn eu gweithgareddau Nadolig.

- Cafodd plant y Cyfnod Sylfaen fore wrth eu bodd pan ymwelodd Brigâd Dân Aberaeron â'r ysgol. Cafodd pob plentyn gyfle i ddefnyddio'r bibell ddŵr ac i weld pob twll a chornel o'r cerbyd. Diolch i Louis Hunt a Dewi Morgan am fynd i'r fath drafferth i rannu gwybodaeth mewn ffordd ddifyr. Cafodd Bl.2 a Bl.5 ymweliad gan Karen o'r Gwasanaeth Tân. Bu'n sôn am gadw'n ddiogel a beth i'w wneud mewn argyfwng.
- Diolch i bawb a wnaeth ymuno â ni yn y Gwasanaeth Nadolig yng Nghapel Tabernacl. Roedd i'r gwasanaeth naws teuluol a chartrefol gan greu awyrgylch yr Ŵyl. Gwnaed gasgliad o £330 tuag at NSPCC. Diolch i bawb am eu trefniadau ac i swyddogion y Capel am eu cefnogaeth.
- Aeth dros 50 o ddisgyblion i Festri Peniel i ddiddanu Cymdeithas Henoed Aberaeron yn ystod eu parti Nadolig. Mwynhaodd y gynulleidfa yn fawr a chafwyd croeso arbennig. Diolch i Mrs Griffiths-Jones am drefnu'r adloniant.
- Diolch i bawb a wnaeth lenwi Bocs Rotari gydag anrhegion i blant llai ffodus.
- Bu Bl.5 a 6 yn elwa o wersi Beiblaidd gan Mrs Hawkins yn ystod y tymor. Diolch iddi am roi o'i hamser.
- Diolch i Mrs Efana Lloyd a'i gwirfoddolwyr sydd wedi bod yn cynorthwyo Bl.1 gyda'u gwersi ar groesi'r ffordd. Mae hi mor bwysig bod y disgyblion yn gallu cadw'n ddiogel ar y briffordd.
- Bu P.C.Jackie yn ymweld â dosbarthiadau CA.2 i roi hyfforddiant ar 'Ddiogelwch ar y Wê' yn ddiweddar
- Fe ymwelodd Esgob Tŷ Ddewi—Y Gwir Barchedig Wyn Evans, â'r Ysgol yng nghwmni Y Parch John Lewis. Roedd hon yn fraint arbennig i ni gan ei fod wedi ei wisgo yn ei wisg arbennig—a bu'n esbonio pob darn ohoni i'r disgyblion
- Mae'r cyngor wedi sefydlu cwmni o dan yr enw 'Creu Aeron' sydd yn defnyddio gwaith celf y disgyblion ar nwyddau gwahanol. Eisoes, mae cardiau Nadolig, chardiau cyfarch a bagiau wedi eu creu. Mewn cystadleuaeth ranbarthol yng Nghaerfyrddin daeth 'Creu Aeron' i'r brig a buont yn cynrychioli De Orllewin Cymru yn y Senedd ar Fawrth y 19eg. Teithiodd y cwmni, Theo Holgate, Mia Browne, Jessica Jones a Kyle Crees i'r rownd derfynol yn y Senedd yng Nghaerdydd. Yno enillodd 'Creu Aeron' y wobr Cenedlaethol am 'Ymgysylltydd â Busnes.' Diolch o galon i'r holl fusnesau yn Aberaeron sydd yn ein cefnogi. Hefyd maent wedi bod yn brysur yn cynhyrchu ffedogau chwaethus gyda phatrymau o bysgod Bae Ceredigion arnynt. Roedd y ffedogau i'w gweld yng Ngŵyl Bysgod Bae Ceredigion yn Aberaeron ar Orffennaf 5ed.
- Bu Blwyddyn 4 yn cymryd rhan mewn prynhawn yng nghwmni 'Cymdeithas Alzheimers Aberaeron' yn y Clwb Tennis.
- Diolch i wirfoddolwyr o Rotari Aberaeron am eu cymorth gyda darllen yn yr ysgol.

### Chwaraeon

Dysgodd Julie McAdam o Hoci Cymru sgiliau hoci sylfaenol i flwyddyn 3 a 4.

- Cafwyd ddiwrnod anhygoel yng Ngala Ceredigion gyda'r plant i gyd yn nofio'n wych. Llwyddwyd i ennill 14 o'r 26 cystadleuaeth ac o ganlyniad roedd 16 plentyn yn cynrychioli yr Ysgol yng Ngala Nofio Cenedlaethol yr Urdd yng Nghaerdydd ym mis Ionawr.

- Llongyfarchiadau i dîm pêl-rwyd yr Ysgol am ennill cystadleuaeth pêl-rwyd yr Urdd yng Ngheredigion.
- Bu 16 o blant yr Ysgol yng Nghaerdydd yng Ngala Cenedlaethol yr Urdd yn cynrychioli'r sir mewn 14 ras. Cafwyd berfformiadau gwych ganddynt gyda bron pob nofiwr yn torri eu record bersonol.
- Bu 40 o blant yn cynrychioli'r Ysgol yng nghystadleuaeth Traws Gwlad Dyfed. Cafwyd perfformiadau gwych, yn ennill 14 medal yn gyfan gwbl. Oherwydd ymdrechion arbennig y plant fe ddaeth yr Ysgol yn gydradd ail yng nghystadleuaeth yr ysgolion. Aeth dau o'n disgyblion ymlaen i gynrychioli Dyfed ar ddydd Iau y 26ain yn erbyn Gorllewin Morgannwg.
- Bu tîm o'r Ysgol yn cystadlu yng nghystadleuaeth rygbi 7 bob ochr yr urdd a chafwyd amser da gan bawb.
- Llongyfarchiadau i dîm Athletau'r Ysgol ar ganlyniadau anhygoel gan ennill Pencampwriaeth Dyfed gyda 42 o bwyntiau. Aeth cynrychiolaeth dda yn mynd ymlaen i gynrychioli Dyfed ym mis Gorffennaf.
- Llongyfarchiadau i dîm y merched a thîm y bechgyn am wneud mor dda yng nghystadlaethau pêl-droed Urdd y Rhanbarth
- Traws gwlad Cenedlaethol yr Urdd - Bu 30 o blant yn cynrychioli Ysgol Gynradd Aberaeron ac fe gafwyd ddiwrnod llwyddiannus dros ben. Llwyddwyd i ennill 17 medal.
- Ymwelodd Alwyn Davies o Gyngor Ceredigion â CA.2 i gynnal arolwg Chwaraeon ymysg y disgyblion ar ein 'i-pads' newydd. Roedd hi'n ddiddorol darganfod pa mor brysur a ffit mae ein disgyblion.
- Cyrhaeddodd tîm pêl-rwyd yr Ysgol rownd derfynol yn Chwaraeon yr Urdd yn Aberystwyth ar Fai 10fed. Cafwyd berfformiadau arbennig, gan ennill 1, colli 1 a chael 1 gêm gyfartal yn y grŵp.
- Llongyfarchiadau i'r tîm criced a gyrhaeddodd y rownd gynderfynol yn Llandysul.
- Mi wnaeth 7 plentyn gynrychioli tîm athletau Dyfed yn erbyn Gorllewin Morgannwg a chafwyd canlyniadau gwych, yr uchafbwynt oedd Freyja Bransden yn dod yn ail yn y taflu pêl.
- Diolch i glwb tennis y dref am ganiatâi i ni ddefnyddio'r cyrtiau ar gyfer ein clwb tennis yn yr ysgol.

### Perfformio

- Cynhaliwyd yr Eisteddfod Gylch eleni yn Theatr Felinfach. Llongyfarchiadau i'r canlynol a fu'n llwyddiannus. Unawd Bl.2 ac iau—Ela Griffiths-Jones— 1af, Cerdd Dant Bl.2 ac iau—Ela Griffiths-Jones— 1af, Llefaru Bl.2 ac iau—Eos Dafydd—1af, Unawd Bl.2 ac iau—Eos Dafydd—2il, Parti Unsain—2il, Ymgom—2il, Unawd Telyn—Swyn Dafydd—3ydd. Diolch i'r holl rieni a ffrindiau am eu cefnogaeth fel arfer. Llongyfarchiadau i'r grŵp Dawnsio Disgo a ddaeth yn 3ydd yn Eisteddfod Ddawns y Rhanbarth yn Felinfach. Diolch i Hannah Williams am ei hyfforddi.
- Llongyfarchiadau mawr i Ela Mablen ar ganlyniadau gwych yn yr Eisteddfod

Sir ym Mhontrhydfendigaid. 1af ar yr Unawd Bl2 ac iau a Cerdd Dant Bl.2 ac Iau. Llongyfarchiadau mawr i Ela Mablen Griffiths-Jones ar ddod yn 3ydd yng nghystadleuaeth Unawd Cerdd Dant Bl.2 ac iau yn Eisteddfod yr Urdd yng Nghaerffili. Roedd hwn yn gamp arbennig gan mai dim ond yn y Dosbarth Derbyn mae Ela Mablen. Hithau hefyd oedd yn cynrychioli Ceredigion ar yr Unawd Bl.2 ac iau yng Nghaerffili.

- Perfformiodd yr ysgol hefyd yn nigwyddiad Nadolig y dref, ym mharti Nadolig Cymdeithas yr henoed yn ogystal â'r wyl bysgod.

### Datganiad y Cwricwlwm

Rhennir plant i ddosbarthiadau yn ôl oedran. Cynhwysir holl raglenni astudio statudol Meysydd Dysgu'r Cyfnod Sylfaen Cwricwlwm Cenedlaethol gogyfer plant yng nghynlluniau cwricwlaidd yr ysgol. Mae'r cwricwlwm yn gytbwys ac yn eang ac fe ddysgir rhan helaeth ohono drwy themâu trawsgwricwlaidd er mwyn sicrhau priodoldeb ar draws y cwricwlwm. Fe gynllunnir y themâu hyn yn y lle cyntaf gan yr ysgol gyfan fel bo dilyniant, cydbwysedd a gwahaniaethu yn cael ei sicrhau. Darperir rhaglen fydd yn cynnwys cynnydd mewn sgiliau a deallusrwydd o syniadau ar bob lefel, yn ogystal â sicrhau bod amcanion gogyfer a phob oed yn cael ei gynnig. Y nîd drwy'r ysgol yw rhoi amrywiaeth eang o brofiadau diddorol i bob plentyn drwy eu gwaith thema, ac felly, yn eu galluogi i ddatblygu eu potensial yn llawn. Mae'r Meysydd Dysgu a'r Cwricwlwm Cenedlaethol yn gymwys i bob plentyn oni bai ei fod wedi ei eithrio drwy ddatganiad o anghenion addysgol arbennig, a'r plant meithrin a derbyn sydd yn dilyn gweithgareddau sydd yn seiliedig ar y Canlyniadau Dymunol. Gellir cysylltu â'r pennaeth er mwyn cael gweld dogfennau sy'n ymwneud â chwricwlwm yr ysgol. Rydym hefyd yn croes gyfeirio pob agwedd o ddysgu gyda'r fframwaith Rhifedd/Llythrennedd.

### Anghenion Dysgu Ychwanegol

Ceisir sicrhau mynediad i addysg eang, gytbwys, perthnasol a gwahaniaethol i bob plentyn, a golyga hyn bod athrawon yn ceisio ymateb i anghenion unigolion. Mae'n angenrheidiol adnabod plant ag anghenion addysgol arbennig cyn gynted â phosib gan fod anawsterau wedyn yn haws eu goresgyn.

Rhan amlaf, adnabyddir plant ag anghenion addysgol arbennig drwy asesiadau rheolaidd dosbarth gan athrawon. Dengys rhain gryfderau a gwendidau a ble mae angen rhaglenni dysgu unigol ar unigolion.

Trwy asesiadau a monitro gofalus, a thrwy drafod bob cam gyda'r rhieni, ystyriwn p'un ai defnyddio grwpiau ymyrraeth, cymorth yr athrawon cynnal neu roi cymorth yn y dosbarth drwy waith gwahaniaethol. Pan mae angen, gofynna'r ysgol a'r rhieni am gymorth ychwanegol oddi wrth asiantaethau allanol fel y seicolegydd addysg, athrawon arbenigol a.y.b..

### Gweithgareddau Cwricwlaidd

- Treuliodd disgyblion Bl.5 a 6 wythnos fendigedig yng Nghanolfan Awyr Agored Pentywyn. Manteisiwyd ar bob cyfle i wneud pob math o weithgareddau cyffrous ac anturus yn y môr, ar y traeth, yn yr afon ac ar y mynydd. Roedd hi yn braf

cymdeithasu gyda disgyblion o ysgolion eraill o ar draws y sir. Diolch i Mr Jones, Mr Hubbard, Mrs Thomas, Miss Mari, Miss Susan a Miss Sarah am eu gofal.

- Aeth 22 o aelodau'r Urdd am benwythnos i Langrannog yng nghwmni aelodau eraill o Geredigion. Cafodd pawb amser wrth eu bodd yn ymuno yn yr holl weithgareddau.
- Llongyfarchiadau i'r Cyngor Ysgol ar gyrraedd Rownd Derfynol —'Y Criw Mentrus'. Cystadleuaeth yw hon wedi ei threfnu gan Lywodraeth Cymru i hyrwyddo menter busnes o fewn ysgolion.
- Cafodd disgyblion Bl. 3, 4, 5 a 6 amser hwylus gyda chwmmi 'Mewn Cymeriad'. Cynhaliwyd sesiwn o weithgareddau mathemategol yn olrhain hanes y Cymro Robert Recorde a ddyfeisiodd y symbol = . Hefyd, unwaith eto bu actor o'r cwmni 'Mewn Cymeriad' yn perfformio sioe am Yr Arglwydd Rhys. Cafwyd fore hwylus dros ben gyda'r plant wrth eu boddau yn gwranddo ac yn chwarae rôl tra'n dysgu am hanes un o gymeriadau pwysig hanes Cymru.
- Croesawyd offerynnwyr o Tseina a oedd ar ymweliad a Choleg Prifysgol y Drindod Dewi Sant, Llambod i'r ysgol i roi Cyngerdd offerynnol i'r disgyblion. Clywyd amrywiaeth o offerynnau gwahanol ac yn y diwedd ymunodd pawb mewn dawns.
- Teithiodd Bl.3 a 4 a'r dosbarth Derbyn i Felinfach i fwynhau sioe wyddoniaeth a oedd yn llawn rhyfeddodau anhygoel. Dysgwyd am ddeunyddiau, aer yn symud, cysgodion a lliwiau mewn ffordd ddramatig a deinamig.
- Cafodd dosbarthiadau CA.2 sesiwn o 'Ymchwilio fel ditectif' gyda chynrychiolydd o 'Techniquest'. Cafwyd amser da ac edrychwn ymlaen at yr ymweliad nesaf.
- Cafodd gynllun Daniel Clemas ei ddewis i gynrychioli Ceredigion yn y '2015 Parliament Flag Project'. Roedd ei faner yn rhan o arddangosfa a oedd yn fyw ar y we ar y 5ed o Fawrth. Hefyd bu stori Daniel ar flaen y papur newyddion lleol.
- Bu Zhao o Tseina gyda ni yn yr Ysgol i gynnal sesiynau am gyfnodau ar ddydd Mawrth a dydd Iau.
- Fe aeth aelodau o bwyllgorau Eco a Masnach Deg i'r Gerddi Botaneg i addurno coeden Nadolig gydag addurniadau wedi eu gwneud allan o ddeunyddiau ail-gylchu. Cafwyd ddiwrnod arbennig yn addurno'r goeden a chymerwyd rhan mewn nifer o weithdai Nadoligaidd.
- Cafodd Bl. 1 a 2 ddiwrnod arbennig yng Nghastell Henllys. Fe wnaethon gwrdd ag Arianrhod y Celt, yn ogystal a gwneud gweithgareddau fel creu bara, malu grawn, paentio wyneb, adeiladu wal o fwd a gwehyddu. Daethom nôl wedi dysgu llawer am fywyd y Celtiaid. Diwrnod bythgofiadwy!
- Llongyfarchiadau i Deian Buswell am ennill cystadleuaeth 'Cogurdd' yr Ysgol. Daeth 24 i gystadlu gan wneud salad ffrwythau a oedd yn cynnwys pob math o ffrwythau blasus. Cafodd Sara Griffiths o fwyty Manuka dasg anodd i feirniadu'r cyfan. Da iawn Theo Holgate am ddod yn ail. Noson y bechgyn oedd hon yn bendant!
- Daeth Alan, ffermwr o Malawi ar ymweliad â'r Ysgol i sôn am bwysigrwydd 'Masnach Deg' i ffermwyr ei wlad. Cafwyd cyflwyniad diddorol ganddo, a chafwyd cyfle i ofyn cwestiynau iddo. Bydd pawb yn cofio am ei neges bwysig i ni gobeithio.
- Cynhaliwyd Eisteddfodau'r Ysgol. Ar ôl cystadlu brŵd Alban oedd yn fuddugol yn y Cyfnod Sylfaen a Pentŵr yng nghyfnod allweddol 2. Enillwyd y Gadair gan Rhodri, y Goron gan Molly a'r Tlws Celf gan Tymon. Enillwyd cadair y Cyfnod

Sylfaen gan Lilly Mae a'r Tlws Celf gan Bronwen.

- Diwrnod y Llyfr - Cyrhaeddodd pawb i'r Ysgol mewn gwisgoedd o bob math, fel cymeriadau o hoff lyfrau. Yn y dosbarthiadau cafwyd amrywiaeth o weithgareddau yn seiliedig ar ein hoff lyfrau
- Mae yna dwnel poly wedi cyrraedd ac yn cael ei osod i fyny. Prynwyd y twnel gan y Pwyllgor Eco a gobeithio erbyn yr haf y bydd ganddynt stondin llawn cynnyrch yn gwerthu nwyddau. Diolch i'r rhieni sydd wedi bod yn helpu i baratoi safle i'r twnel. Diolch yn fawr i Mrs Jan Williams o Five Star Polytunnels am ei holl help yn rhoi'r twnel i fyny. Diolch hefyd i bob rhiant a ffrind sydd wedi helpu a chyfrannu. Mae gyda ni nawr 'boly twnnel' iawn, ond bu bron iddo gael ei ddinistrio gan wylanod!
- Cafodd Bl.1 a 2 fore bendigedig yng nghwmni Mr Davies o Techniquet. Bu'r plant yn datrys problemau mathemategol siâp, arian, rhif a thrin data yn ymarferol yn ymwneud â pharti pen-blwydd Delyth y Ddraig. Bore prysur a chyffrous iawn.
- Cafodd blynyddoedd 3 a 4 fore diddorol ac addysgiadol gyda Richard Thomas yn glanhau'r traeth a dysgu am ein amgylchedd. Casglwyd nifer o fagiâu o sbwriel ac hoffem ddiolch i Pob am ei barodrwydd i ddod mewn i'n helpu.
- Aeth blynyddoedd 4, 5 a 6 i'r Brifysgol yn Aberystwyth i gymryd rhan mewn gweithgareddau gwyddonol fel rhan o'r 'Wythnos Wyddoniaeth Prydain'. Cafwyd bore llawn o brofiadau gwych!
- Yn ystod yr hanner tymor hwn, rydym wedi benthyg cyfres o gitiau mathemateg oddi wrth Techniquet. Mae rhain wedi bod yn boblogaidd iawn, ac wedi cynnig heriau gwahanol i'r plant
- Diolch i Ffrindiau'r Ysgol am gyfraniad hael iawn tuag at brynu troli a 15 o'r 'i-pads' newydd at ddefnydd pob dosbarth.
- Daeth Melanie Heath, Swyddog Ardaloedd Cadwraeth Arbennig Bae Ceredigion i'r Ysgol i gynnal cyfres o weithgareddau gyda'r disgyblion. Cafwyd y cyfle i ddysgu am ddolffiniaid, cadwynau bwyd a chynefin naturiol sydd ar ein stepen drws. Cafwyd amser da iawn gan y plant!
- Diolch i'r Pwyllgor Eco am drefnu sêl ail-gylchu eleni eto. Gwnaed £303 ac rydym yn mynd i brynu nwyddau .
- Gwnaeth Bl.3 a 4 ddysgu cymaint ar eu hymweliad preswyl addysgol a Naturesbase yng Nghilcennin yn ddiweddar.
- Buon nhw yn gwersylla, dysgu sut i edrych ar ôl eu hunain, dysgu am gadwraeth a thipyn am natur. Diolch i Giles a Alison Morris am amser grêt.
- Diolch i bawb a wnaeth ddod i ganu yn Gŵyl Bysgod Bae Ceredigion er gwaethaf y glaw! Gwnaeth y plant ganu yn arbennig o dda ac roeddem yn falch iawn ohonynt. Rhaid peidio anghofio gig gyntaf ein Band Pres hefyd, roeddem yn grêt!
- Mabolgampau - Cafwyd ddiwrnod bendigedig gyda pob plentyn yng nghyfnod Allweddol 2 yn cael y cyfle i gymryd rhan mewn amrywiaeth o gystadlaethau hwylus a chystadleuol. Ar ddiwedd y dydd y tŷ buddugol oedd Cadwgan. Derbyniwyd y darian Athletwraig y Flwyddyn gan Chloe Towell ac Athletwr y Flwyddyn gan Joshua Tarling. Llongyfarchiadau i bawb a fu'n cymryd rhan
- Cymerodd 32 o fusnesau rhan yn y gystadleuaeth Mini Menter eleni! Record i'r ysgol, mae gennym ddisgyblion mentrus iawn!



## Categori Iaith

Yn unol a pholisi iaith Ceredigion, Cymraeg yw prif iaith yr ysgol o 3-11 mlwydd oed. Addysgir drwy gyfrwng y Gymraeg yn yr ysgol a chyflwynir Saesneg fel pwnc ffurfiol yng nghyfnod allweddol 2( blwyddyn 3-6). Nôd yr ysgol yw sicrhau bod pob disgybl yn hollol ddwyieithog erbyn eu bont yn cyrraedd 11mlwydd oed.

## Presenoldeb

Roedd gan yr ysgol bresenoldeb o 96.5% llynedd a rhoddwyd yr ysgol ym mand 1. Nid yw'r presenoldeb cystal eleni a rhoddir targed o 96% ar gyfer y flwyddyn sydd i ddod, sydd yn uwch na tharged yr awdurdod. Cedwir golwg ofalus ar ddisgyblion sydd a phresenoldeb o lai na 80%. Mae'r ysgol yn dilyn polisi presenoldeb ERW wrth ddelio ag absenoldebau anawdurdodedig.

2014-2015

> 80%	80% - 84.99%	85% - 89.99%	90% - 94.99%	95% +
1.4%	0.7%	2.8%	25.7%	69.4%

## Staffio

Yn ystod y flwyddyn penderfynwyd peidio a pharhau a'r ymchwil i uno'r Ysgol Gynradd a'r Ysgol Gyfun. Aethpwyd ymlaen a hysbysebu swydd Pennaeth parhaol ar gyfer yr ysgol a phenodwyd Mrs Catrin Thomas. Penodwyd Mrs Anwen Lloyd Hughes fel dirprwy bennaeth a chyfrifoldeb dros ADY a'r Adran Iau. Penodwyd Carys Tobias fel athrawes blwyddyn 5 yn sgil ymddiswyddiad Mrs Sara Sambrook.

## Polisiâu/Policies

Adolygir bolisiâu'r ysgol yn flynyddol.

## Cynllun Gwella Ysgol a Hunan Arfarniad

Mae CGY yn cael ei ddiweddarau yn flynyddol ac yn deillio'n uniongyrchol o ganfyddiadau prosesau hunan arfarnu'r ysgol. Gwelwyd ffocws ar ddatblygu'r ddarpariaeth ar gyfer llythrennedd a rhifedd eleni ymysg agweddau eraill. Adroddir ar gynnydd yr ysgol yn erbyn y blaenoriaethau yma yn dymhorol. Gwelwyd yr ysgol yn gwneud cynnydd da eleni. Rhoddwyd yr ysgol yng nghategori cymorth 'melyn' eleni yn system gategoreiddio cenedlaethol. Mae'r ysgol yn parhau i fesur cynnydd yn erbyn argymhellion Estyn 2011.

## Prosbectws Ysgol

Mae'r newidiadau yn adlewyrchu newid staff, dyddiadau, trefniadau a chanlyniadau diwedd Cyfnod Allweddol. Mae'r prosbectws yn y broses o gael ei ailwampio ac y bydd yn cael ei ddsbarthu ar ei newydd wedd o fewn y flwyddyn.

## Cyfleusterau Tai Bach

Mae gan yr ysgol bedwar tŷ bach ar gyfer y merched a phedwar tŷ bach ar gyfer y bechgyn yn ardal y Cyfnod Sylfaen. Ceir pedwar tŷ bach i'r merched a dau dy bach a tri wrinal i'r bechgyn. Yn ogystal ceir dau dy bach anabl, un yn y brif adeilad ac un yn y cabannau.

Diolch i'r disgyblion, rhieni, staff a ffrindiau'r ysgol am eu gwaith arbennig i sicrhau bod gennym ysgol ardderchog lle mae disgyblion yn cyflawni eu potensial.